



**O‘ZBEKISTON RESPUBLIKASI NAMANGAN VILOYATI
TO‘RAQO‘RG‘ON TUMANI HOKIMINING
Q A R O R I**

To‘raqo‘rg‘on sh. To‘raqo‘rg‘on ko‘chasi 16.

2023 - yil 16 - noyabr

491-6-85-Q/23

To‘raqo‘rg‘on tumani hokimligi

Ijtimoiy muhofazaga muhtoj, ish topishda qiynalayotgan va mehnat bozorida teng sharoitlarda raqobatlasha olmaydigan shaxslarni ishga joylashtirish uchun ish o‘rinlarini 2024-yil uchun band qilib qo‘yish to‘g‘risida

“Aholi bandligi to‘g‘risida”gi Qonunning 12-moddasi, “Nogironligi bo‘lgan shaxslarning huquqlari to‘g‘risida”gi Qonunning 14, 43-moddalari, Vazirlar Mahkamasining 2017-yil 5-dekabrdagi 965-son qarori bilan tasdiqlangan “Ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga joylashtirish uchun ish o‘rinlarining eng kam sonini belgilash va zaxiraga qo‘yish tartibi to‘g‘risida”gi Nizom (keyingi o‘rinlarda “Nizom” deb ataladi)ga asosan, ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga joylashtirish uchun To‘raqo‘rg‘on tumanida 2024-yil uchun ish o‘rinlarini band qilib qo‘yish maqsadida,

Q A R O R Q I L A M A N:

1. To‘raqo‘rg‘on tumanidagi ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga joylashtirish uchun ish joylarining eng kam miqdorini belgilash bo‘yicha komissiya tarkibi 1-ilovaga muvofiq, 2024-yilda mazkur toifadagi shaxslar uchun ish joylarining eng kam miqdori belgilangan

korxonalar va tashkilotlar ro'yxati 2-ilovaga asosan tasdiqlansin.

2. "Aholini ish bilan ta'minlash to'g'risida"gi Qonunning 12-moddasiga asosan To'raqo'rg'on tumanida ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslar uchun ish o'rinlarining eng kam soni 2-ilovaga muvofiq xodimlarning ro'yxat bo'yicha o'rtacha soni 196 nafarni tashkil etadigan 7 foiz miqdorida, shu jumladan:

nogironlar uchun 3,0 foiz (85 nafar, yuqorida ko'rsatilgan ish o'rinlariga tumanda nogironlar ishga joylashish bo'yicha band etib qo'yilsin);

umumiy o'rta va o'rta maxsus, kasb-hunar ta'limi muassasalarini tamomlagan yoshlar, shuningdek, oliy ta'lim muassasalarining davlat grantlari bo'yicha ta'lim olgan bitiruvchilari uchun 1,3 foiz (37 kishi);

o'n to'rt yoshgacha va nogironligi bo'lgan bolalari bor yolg'iz ota, yolg'iz onalar va ko'p bolali oilalar uchun 1,1 foiz (30 kishi);

pensiya yoshidagi shaxslar uchun 0,4 foiz (11 kishi);

safarbarlik chaqiruvi zaxirasida xizmatni o'tagan va O'zbekiston Respublikasi Qurolli Kuchlari saflaridan muddatli harbiy xizmatdan bo'shatilgan shaxslar uchun 0,6 foiz (16 kishi);

jazoni ijro etish muassasalaridan ozod qilingan yoki sudning qaroriga ko'ra tibbiy tUSDagi majburlov choralari qo'llanilishidan ozod qilingan shaxslar uchun 0,4 foiz (9 kishi);

ijtimoiy muhofazaga muhtoj shaxslarning boshqa toifalari, shu jumladan odam savdosi qurbonlari uchun 0,2 foiz (7 kishi) miqdorida ish o'rinlari zaxirasini belgilansin.

3. Ushbu toifa shaxslar uchun ish o'rinlari sanitariya-gigiena me'yorlariga va xodim o'z mehnat majburiyatlarini to'siqsiz bajarishini ta'minlaydigan mehnat qilish sharoitlariga, shu jumladan, quyidagilarga muvofiq bo'lishi kerak:

o'n to'rt yoshgacha va nogironligi bo'lgan bolalari bor yolg'iz ota, yolg'iz onalar va ko'p bolali oilalar uchun – bolalarni tarbiyalash va mehnat

majburiyatlari bo'yicha majburiyatlar bajarilishini birga qo'shib olib borish imkonini beruvchi ishning moslashuvchan jadvaliga ega bo'lgan ish o'rinlari;

umumiy o'rta va o'rta maxsus, kasb-hunar ta'limi muassasalarini tamomlagandan keyin kasbni egallagan yoshlar, shuningdek, oliy ta'lim muassasalarining davlat grantlari bo'yicha ta'lim olgan bitiruvchilari uchun – ularning kasbiy tayyorgarligiga muvofiq bo'lgan ish o'rinlari;

safarbarlik chaqiriq zaxirasida xizmatni o'tagan va O'zbekiston Respublikasi Qurolli Kuchlari saflaridan muddatli harbiy xizmatdan bo'shatilgan shaxslar uchun – ularning professional tayyorgarligiga mos bo'lgan ish o'rinlari;

nogironlar uchun – mehnat sharoitlari bo'yicha attestatsiyadan o'tkazilgan va xodimga ularning sog'ligi holatini va mehnat faoliyatiga to'g'ri kelmaydigan belgilangan zidliklar hisobga olingan holda mehnat operatsiyalarini to'siqsiz bajarish imkonini beradigan ish o'rinlari;

pensiyaoldi yoshidagi shaxslar uchun – ularning kasbiy tayyorgarligiga mos bo'lgan yoki maxsus malakani talab etmaydigan ish o'rinlari;

jazoni ijro etish muassasalaridan yoki sudning qaroriga ko'ra tibbiy tusdagi majburlov choralari qo'llanilgan shaxslar uchun – ularning kasbiy tayyorgarligini hisobga olgan holda yoki maxsus malakani talab etmaydigan ish o'rinlari;

odam savdosi qurbonlari uchun – ularning kasbiy tayyorgarligini hisobga olgan holda yoki maxsus malakani talab etmaydigan ish o'rinlari.

4. Ish o'rinlari band qilib qo'yiladigan kasblar va lavozimlar:

muhandis, iqtisodchi, hisobchi, hisobchi-taftishchi, kichik tibbiy xodim, shifokor, hamshira, ish yurituvchi, o'qituvchi, tarbiyachi, yordamchi tarbiyachi, tarozibon, elektrik, haydovchi, tashuvchi, farrosh, obodonlashtirish ishchisi, omborchi, EHM operatori, yukchi, ishchi, bog'bon, qorovul.

5. Tumandagi mavjud korxona, tashkilot va muassasalarning rahbarlari:

Vazirlar Mahkamasining 2017-yil 5-dekabrdagi 965-sonli qarori bilan tasdiqlangan “Ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga joylashtirish uchun ish o‘rinlarining eng kam sonini belgilash va zaxiraga qo‘yish tartibi to‘g‘risida”gi Nizomga muvofiq ushbu qarorning 1-ilovasida ko‘rsatilgan ish o‘rinlari tashkil etilishini ta‘minlasin;

yil boshlanishidan oldin 10 kundan kechikmay muhtojlarni ishga joylashtirish uchun muhtojlar uchun zaxiraga qo‘yiladigan ish o‘rinlari umumiy sonining kamida 25 (yigirma besh) foizi miqdorida ish o‘rinlari zaxiraga qo‘yilishini va tayyorligini ta‘minlasin, shuningdek, bu haqda yil boshlangunga qadar tuman Kambag‘alikni qisqartirish va bandlikka ko‘maklashish bo‘limini xabardor qilsin;

muhtojlar uchun ish o‘rinlarining qolgan qismini zaxiraga qo‘yish tashkilot (ish beruvchi) tomonidan kalendar yilning birinchi choragi mobaynida ta‘minlasin, bu haqda tuman Kambag‘alikni qisqartirish va bandlikka ko‘maklashish bo‘limiga birinchi chorak tamom bo‘lgandan keyin 10 kundan kechikmay xabardor qilsin;

tashkilot har oyda hisobot oyidan keyingi oyning beshinchi kunigacha To‘raqo‘rg‘on tuman Kambag‘alikni qisqartirish va bandlikka ko‘maklashish bo‘limiga “Ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga joylashtirish uchun ish o‘rinlarining eng kam sonini belgilash va zaxiraga qo‘yish tartibi to‘g‘risida”gi nizomning 5-ilovasiga muvofiq shakl bo‘yicha muhtojlarni ishga joylashtirish to‘g‘risida axborot taqdim etsin;

tashkilot tomonidan muhtojlarni ishga joylashtirish uchun ish o‘rinlari tayyorligi to‘g‘risida axborot taqdim etilmasligi, teng darajada zaxiraga qo‘yiladigan ish o‘rinlarining belgilangan soni hisobiga ishga joylashtirish uchun ish o‘rinlarining amalda tayyor emasligi To‘raqo‘rg‘on tuman Kambag‘alikni qisqartirish va bandlikka ko‘maklashish bo‘limi tomonidan tuman hokimining qarori bajarilmasligi sifatida qaralishi lozimligi qayd etilsin.

6. To‘raqo‘rg‘on tuman hokimining muhtojlar uchun ish o‘rinlarining

eng kam sonini belgilash bo'yicha ushbu qarori bajarilmaganda, shuningdek, ularni ishga qabul qilish asossiz ravishda rad etilganligi uchun tashkilotlarning mansabdor shaxslariga qonun hujjatlarida belgilangan tartibda ma'muriy javobgarlik belgilanganligi alohida qayd etilsin.

7. To'raqo'rg'on tuman Kambag'alikni qisqartirish va bandlikka ko'maklashish bo'limi (Sh.Sobirov) mazkur qarorni belgilangan muddatda qarorning 1-bandida ko'rsatilgan tashkilotlar rahbarlarining e'tiboriga yetkazsin va ushbu qaror bajarilishi ustidan nazoratni ta'minlasin.

8. O'zbekiston Respublikasi Kambag'allikni qisqartirish va bandlik vazirining "O'zbekiston Respublikasi Bandlikka ko'maklashish davlat jamg'armasi mablag'lari hisobidan subsidiya va grantlar ajratish tartibi to'g'risida Nizomni tasdiqlash haqida"gi (AV ro'yxat raqami №-3163-son, 31.05.2019 y) buyrug'iga asosan subsidiyalar ajratib berish tartibi amaliyotga joriy etilganligini hisobga olib, "Ijtimoiy ehtiyojmand aholi qatlamlariga mansub shaxslarni kvotalangan eng kam sondan ortiq miqdorda ishga qabul qilgan tashkilotlarga (*budjet tashkilotlari bundan mustasno*) – har bir xodim uchun 12 oy davomida har oyda bazaviy hisoblash miqdorining 2 baravari miqdorida subsidiya ajratish" taminlasin.

9. Mazkur qaror (ilovalari bilan birga) "Davr" gazetasida rasman e'lon qilinsin va tuman hokimligining rasmiy veb saytiga joylashtirilsin.

10. Ushbu qaror rasman e'lon qilingan kundan boshlab kuchga kiradi.

11. Mazkur qaror qabul qilinishi munosabati bilan tuman hokimining 2022-yil 11-oktabrdagi 567-6-85-Q/23-sonli qarori o'z kuchini yo'qotgan deb hisoblansin.

12. Mazkur qaror ijrosini nazorat qilish tuman hokimining birinchi o'rinbosari Yo.Xo'jamov zimmasiga yuklatilsin.

Tuman hokimi



A.Mansurov

To'raqo'rg'on tuman hokimining
2023-yil 16-noyabrdagi
491-6-85-Q/23-son qaroriga
1-ilova

**To'raqo'rg'on tumanidagi ijtimoiy muhofazaga muhtoj, ish topishda
qiynalayotgan va mehnat bozorida teng shartlarda raqobatlasha
olmaydigan shaxslarni ishga joylashtirish uchun ish o'rinlarining eng
kam sonini belgilash bo'yicha komissiya**

T A R K I B I

1. Yo.Xo'jamov - Tuman hokimining birinchi o'rinbosari, **komissiya raisi**
2. Sh.Sobirov - Tuman Kambag'alikni qisqartirish va bandlikka ko'maklashish bo'limi boshlig'i, **komissiya raisi o'rinbosari**

Komissiya a'zolari:

3. A.Komilov - Tuman savdo-sanoat palatasi bo'lim boshlig'i
4. M.Axmadjonova - Tuman hokimligining bolalarni himoya qilish sho'basi mudiri
5. N.To'xtanazarov - Tuman maktabgacha va maktab ta'limi bo'limi mudiri
6. F.Qo'ziboyev - Tuman hokimligi huzuridagi jazoni ijro etish joylardan bo'shatilgan shaxslarda ijtimoiy ko'nikmalar hosil qilish markazi rahbari o'rinbosari

Komissiya kotibi:

7. U.Safarov - Kambag'alikni qisqartirish va bandlikka ko'maklashish bo'limining ishga joylashtirish va ishsizlarni hisobga olish bo'yicha bek ofis bosh mutaxassisi

Izoh: *Komissiya a'zolari boshqa ishga o'tgan taqdirda, ularning o'rniga yangi tayinlangan shaxslar komissiya a'zosi hisoblanadi.*

To'raqo'rg'on tuman hokimining
2023-yil 16-noyabrda
491-6-85-Q/23-son qaroriga
2-ilova

To'raqo'rg'on tumanidagi ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga joylashtirish uchun ish o'rinlarining eng kam sonini belgilangan tashkilotlar

R O'Y X A T I

№	Tashkilotlar	Jami ishlovchilar soni	Yaratilishi lozim boʻlgan ish oʻrinlari soni	Shu jumladan													
				Nogironlar uchun (3 foiz)		Umumiy oʻrta va oʻrta maxsus, kasb-xunar taʼlim muassasalarini tamomlagan yoshlar, shuningdek, oliy taʼlim muassasalarining davlat granti boʻyicha taʼlim olgan bitiruvchilari uchun		oʻn toʻrt yoshgacha va nogironligi boʻlgan bolalari bor yolgʻiz ota, yolgʻiz onalar va koʻp bolali oilalar uchun		Pensiya oldi yoshdagi shaxslar uchun		Safarbarlik chaqiruv xizmat oʻtagan va Oʻzbekiston Respublikasi Qurolli Kuchlari saflaridan muddatli harbiy xizmatdan boʻshagan shaxslar uchun		Jazoni ijro etish muassasalaridan ozod qilingan yoki sudning qaroriga koʻra tibbiy tushdagi majburlov choralari qoʻllanilishidan ozod qilingan shaxslar uchun		Ijtimoiy muhofaza muhtoj shaxslarning boshqa faollari, odam savdosi qurbonlari uchun	
				Soni	Foizi	Soni	Foizi	Soni	Foizi	Soni	Foizi	Soni	Foizi	Soni	Foizi	Soni	Foizi
1	“OQTOSH TEKSTIL” mas’uliyati cheklangan jamiyati	550	38,5	17	3,0	6	1,1	6	1,1	2	0,4	4	0,7	2	0,4	2	0,4
2	"RUNAMTEX" mas’uliyati cheklangan jamiyat xorijiy korxonasi	373	26	11	3,0	4	1,1	4	1,1	1	0,3	2	0,5	2	0,5	1	0,3
3	"DOKTOR" mas’uliyati cheklangan jamiyati	44	3	1,5	3,4	1	2,3	0,5	1,1	0	0	0	0	0	0	0	0
4	"IFTIHOR KIYIM SANOAT" mas’uliyati cheklangan jamiyati	776	54	23,5	3,0	10	1,3	9,5	1,2	2	0,3	5	0,6	2	0,3	2	0,3

5	"SHAHAND SANATORIYSI" mas'uliyati cheklangan jamiyati	127	9	4	3,0	3	2,4	1	0,8	0	0	1	0,8	0	0	0	0
6	"TO'RAQO'RG'ON MEXANIKA ZAVODI" mas'uliyati cheklangan jamiyati	71	5	2,5	3,5	1	1,4	0,5	0,7	0	0	0	0	1	1,4	0	0
7	10-sonli bolalar musiqa va san'at maktabi	54	4	2	3,0	1	1,9	1	1,9	0	0	0	0	0	0	0	0,28
8	47-maktabgacha ta'lim muassasasi	28	2	1	3,0	1	3,6	0	0	0	0	0	0	0	0	0	0
9	48-sonli imkoniyati cheklangan bolalar uchun ixtisoslashtirilgan davlat ta'lim muassasasi	119	8	4	3,0	1	0,8	1	0,8	1	0,8	1	0,8	0	0	0	0
10	4-sonli Davlat ixtisoslashtirilgan umumta'lim maktab-internati	66	5	2	3,0	1	1,5	1	1,5	1	1,5	0	0	0	0	0	0
11	Is'hoqxon Ibrat nomidagi Namangan davlat chet tillari instituti	100	7	3	3,0	1	1,0	1	1,0	1	1,0	1	0,5	0	0	0	0
12	Is'hoqxon Ibrat nomidagi ijod maktabi	59	4	2	3,0	1	0,8	1	2,0	0	0	0	0	0	0	0	0
13	Namangan viloyat ruhiy asab kasalliklar shifoxonasi	179	12,5	5,5	3,1	2	1,1	1	0,6	1	0,6	1	0,6	1	0,6	1	0,6
14	To'raqo'rg'on kasb-hunarga o'qitish markazi	65	5	2	3,0	1	1,5	1	1,5	1	1,5	0	0	0	0	0	0
15	To'raqo'rg'on tuman 49-sonli davlat maktabgacha ta'lim tashkiloti	26	2	1	3,0	1	4,0	0	0	0	0	0	0	0	0	0	0
16	To'raqo'rg'on tuman sport maktabi	166	12	5	3,0	2	1,2	1	0,6	1	0,6	1	0,6	1	0,6	1	0,6
JAMI		2803	196	85	3,0	37	1,3	30	1,1	11	0,4	16	0,6	9	0,4	7	0,2